



Mae'r wybodaeth yn y cylchlythyr hwn ar gyfer swyddogion arholiadau ac athrawon y pynciau CBAC / Eduqas dynodedig canlynol gydag Unedau Asesiad di-arholiad / Cydrannau y bydd gwaith yn cael ei gyflwyno ar eu cyfer ar-lein yng nghyfres Ionawr 2021:

Lefel	Pwnc	Terfyn amser cyflwyno	Asesiadau Mewnol /Allanol
LEFEL MYNEDIAD	Saesneg Uned 3	11 Rhagfyr	Mewnol
CENEDLAETHOL/ SYLFAEN	Tystysgrif Her Sgiliau	18 Rhagfyr	Mewnol
UWCH	Tystysgrif Her Sgiliau	8 Ionawr	Mewnol

Noder, rhaid i chi gyflwyno gwaith ar gyfer pob ymgeisydd a gofrestrwyd ar gyfer Unedau neu Gydrannau a asesir yn allanol. Ar gyfer Unedau a asesir yn fewnol, bydd sampl yn cael ei nodi pan fydd y marciau'n cael eu cyflwyno.

E-Gyflwyno

Mae'r broses o gyflwyno gwaith ar-lein yn syml ac yn hawdd. Cyfeiriwch at y cyfarwyddyd pwnc am fanylion y gwaith i'w gyflwyno. Mae'r fersiynau diweddaraf i'w gweld ar ein gwefan: www.cbac.co.uk

Byddwn yma i'ch helpu drwy gydol y broses. Yn ogystal, rydym wedi datblygu canllaw defnyddiol a thiwtorial fideo sydd i'w gweld ar ein tudalennau gwe e-gyflwyno penodol. Ewch i <https://www.cbac.co.uk/home/gweinyddu/e-gyflwyno/>

Noder, yn achos gwaith a asesir yn fewnol, nid yw'r broses gymedroli'n cychwyn tan ar ôl y dyddiad cau cyflwyno. Rydym yn cadw'r hawl i ofyn am waith ymgeiswyr ychwanegol i **gynorthwyo proses gymedroli deg**. Mae'n hanfodol felly bod yr holl waith yn barod gennych i'w lwytho i fyny os oes angen.

Beth ddylwn i ei wneud nawr?

Athrawon a Swyddogion Arholiadau

Wrth i chi baratoi i gyflwyno gwaith yn electronig, rydym yn argymhell eich bod yn cymryd y camau canlynol:

1. Cyfeiriwch at Ganllaw Pynciau E-gyflwyno Ionawr 2021 am wybodaeth am y mathau o ffeiliau y gallwch eu llwytho i fyny. Gallwch wneud hynny [yma](#).
2. I gyflymu'r broses o lwytho gwaith i fyny ar-lein, rydym yn cynghori eich bod yn cadw gwaith ar y fformat cywir wrth ei greu, er mwyn osgoi gorfod trosi ffeiliau yn ddiweddarach. Lle y bo'n bosibl, dylid annog ymgeiswyr i weithio'n electronig, neu os

bydd angen sganio dogfennau, gwnewch hyn wrth fynd ymlaen, gan ddefnyddio enwau priodol ar y ffeiliau wrth gadw gwaith. Mae nifer o apiau ar gael ar gyfer ffonau clyfar a thabledi a fydd yn gwneud hyn yn hawdd ac yn creu ffeiliau pdf.

Noder, dim ond llythrennau a rhifau y gellir eu cynnwys yn enwau'r ffeiliau, heb unrhywnodau arbennig e.e. ?,! /\$. Dylech sicrhau bod ffeiliau'n cael eu henwi fel bod modd eu hadnabod yn hawdd, drwy gynnwys enwau neu rifau ymgeiswyr a theitl y dasg.

3. Wrth i chi lenwi gwaith papur a ffurflenni, sicrhewch fod popeth wedi'i lofnodi yn ôl yr angen. Gall gwaith sy'n cael ei gyflwyno heb y dilysiad cywir arwain at roi marc o 0 i ymgeisydd. Gellir llwytho pob ffurflen i lawr o dudalennau pynciau ein gwefan.

4. Gwnewch yn siŵr bod yr holl ffeiliau'n gywir a chyflawn, gan gynnwys cadarnhau y bydd ffeiliau sain a fideo yn chwarae hyd y diwedd, a gwnewch gopi wrth gefn o bopeth rhag ofn y bydd unrhyw broblemau o ran y cyfrifiadur neu'r rhwydwaith.

Swyddogion Arholiadau yn unig

1. Anfonwch y cylchlythyr hwn ymlaen at yr aelod(au) perthnasol o staff yn eich canolfan sy'n gyfrifol am y pynciau a restrir uchod.

2. Gwnewch yn siŵr eich bod yn gallu mewngofnodi i wefan [Surpass](#) . Cliciwch ar 'Can't Access Your Account?' os oes angen i chi ailosod eich cyfrif. Bydd angen i chi allu mewngofnodi er mwyn cael y codau allwedd ar gyfer pob ymgeisydd y mae eu hangen i gyflwyno gwaith yn electronig. Ar gyfer unedau a chydannau a asesir yn fewnol, bydd y rhain ar gael ar gyfer yr ymgeiswyr sy'n rhan o'r sampl o fewn 48 o oriau gwaith ar ôl cyflwyno marciau ar IAMIS a gellir eu defnyddio ar unwaith.

Beth yw'r amserlen ar gyfer llwytho gwaith i fyny?

Mae'r terfynau amser cyflwyno ar gyfer bob pwnc ar y tabl ar frig y ddogfen hon. Mae manylion pellach [yma](#)

Mae IAMIS eisoes ar agor ar y wefan ddiogel i fewnbynnu marciau ar gyfer asesiadau mewnol.

Mae rhestr wirio wedi'i chreu i ganolfannau ei defnyddio a'i rhannu â'u hathrawon yn ystod y broses e-gyflwyno a gellir ei gweld ar [dudalen E-gyflwyno CBAC](#).

Am ymholiadau yn ymwneud â'r broses E-Gyflwyno, ffoniwch ein llinell gymorth benodol newydd - 029 2240 4310 neu anfonwch e-bost at e-gyflwyno@cbac.co.uk